

ԲԱԿԱ ԳԻՒՂԻ ԱԿԵՐՈՒՄԸ

Ե.

Պրիստա Շեպիլլօի զեկուցումը Գանձակի Գեներալ-Նահանգապետին: Նոյն Շեպիլլօի նամակը Тифлисский Листокъ լրագրին. Նորագոյն պատմաբանի ներոսներ.

Նոյեմբերի 20—23-ին գոյութեան ճգնաժամի մէջ եղող Գաղան ի զուր փորձ էր անում օգնութիւն հայցել միւս հայ գիւղերից—Չարդախուից, Գետաբէգից:

Որպէս զի լուսաբանենք թշուառ հայերի դրութիւնը Չարդախու և Կաղախի, նոյնպէս և մի քանի ռուս գիւղերում վերոյիշեալ ճգնաժամի րոպէին, ես կըբերեմ այստեղ իսկութեամբ երկու նշանաւոր գրութիւն, որոնք ունին պատմական փաստաթղթի նշանակութիւն և որոց հեղինակը ոչ թուրք է և ոչ հայ, այլ ռուս: Փաստաթղթերից մէկը մի ղեկուցում է, որ առել է 1905 թուի դեկտեմբերի 7-ին Գանձակի Գեներալ-Նահանգապետին Գետաբագի պրիստա Շեպիլլօ, որ ապուած է 1906 թուի յունվարի 22-ին Մշակի № 15-ում: Միւսը նոյն Շեպիլլօի նամակն է Тифл. Листокъ-ի մէջ ապուած 1906 թուի մայիսի 28-ին № 110, որի թարգմանութիւնը ղնում ենք Մշակի 1906 թուի մայիսի 30-ին № 115-ից արտատպելով. Ահա այն.

Գանձակի Գեներալ-Նահանգապետին տուած զեկուցում*.

Յայտարարութիւն.

Պատիւ ունիմ հաղորդելու Ձերդ Գերադանցութեան, որ նոյեմբեր ամսիս 16-ին ես ճանապարհուեցի գէպի Գետաբէգընդունելու ուշաստօղը: Տեղ հասնելով նոյեմբերի 17-ին, Գետաբէգի ուշաստիկի կառավարիչ Ալիեւը յայտնեց ինձ, որ Լաբաբենդի ընտկիւնները Գետաբէգում հրդեհեցին անտառապահ Աբրաս Գաջիեւին պահանջող 60 սայլ խոտը: Ամսի 18-ին գնալով Լաբաբենդ, ես կալանաւորեցի հրդեհողներին՝ Մօստում Գերբեւայ Ալլահվերդի օղլուն և Կասում Սադրդ օղլուն և նոյն

* Մշակ. 1906 թ. № 15 Յունուարի 22.

օրն էլ բերի Գետաբէդ ու բանաւորեցի: Իսկ 18-ին երեկոյան Չարգախլուից հաղորդեցին հեռախօսով, որ գիւղը շրջապատուած է թուրքերով և կոտորած է սպասուած: Եւ որովհետեւ ևս զբաղուած էին հրգեհի գործը քննելով, ուտաի խնդրեցի Ալիեփին գնալ Չարգախլու օգնութեան: Ալիեփը խոստացաւ գնալ: Երեկոյեան ժամի 9-ին երկրորդ անգամ տեղեկութիւն ստացայ, որ հարկաւոր է շուտափոյթ օգնութիւն հասցնել չարգախլուեցիներին: Իջնելով ներքեւ ու մոնելով բուֆէտը, ես տեսայ այնտեղ Ալիեփին. իմ հարցին թէ ինչու չէ գնացել, նա պատասխանեց, որ գնալ չարժէ, որովհետեւ աւելորդ նեղութիւն է: Այն ժամանակ ես, հետո վերցնելով հինգ պահակներ, անմիջապէս գնացի Չարգախլու նոյեմբերի 19-ին գիշերը, ուր ինձ հաղորդեցին, որ Չարջի գիւղը աւերուած է և որ թուրքերը գնում են դէպի Բաղաբենդ: Միւսնոյն օրը ես 8 պահակներով գնացի Ֆրէզեօվկա գիւղը, որտեղ ամբողջ ռուս ազգաբնակութիւնը սարսափահար եղած խմբուել էր եկեղեցումէջ: Ֆրէզեօվկից ես ճանապարհուեցի դէպի Բաղաբենդ, որը բոլոր կողմից շրջապատուած էր թուրք հրոսակներով և մատնուած նրանց կողոպուտին ու ջարդին: Գիշերելով Ֆրէզեօվկա գիւղում, յաջորդ օրը ես կանանց ուղարկեցի Ալալեանկա գիւղը, իսկ տղամարդկանց հրամայեցի պահպանել գիւղը, ուր ես ինքս էլ մնացի: Երբ ամսիս 21-ին նկատեցի, որ թուրքերը մօտենում են Ֆրէզեօվկա գիւղին, ես պահակներս հետ միասին գնացի Ալալեանկա գիւղը. պէտք է աւելացնեմ, որ 20-ին, գիշերը, Բաղաբենդ գիւղի քահանայ տէր Մեսրոպը Ստեփանեանցը յայտնեց, որ նոյեմբերի 19-ին Իւլտարի-Ալալի, Տաշախլի և Դուգարլի գիւղերի թուրքերը յարձակուեցին Բաղաբենդի վրա, աւերեցին և քշեցին—տաբան ամբողջ նախրը: Նոյն օրը 21-ի երեկոյեան եկաւ Ալալեանկա Ֆրէզեօվկայի քահանան և յայտնեց, որ թուրքերը խոտացան ռուսներին ձեռք չտալ և ճանապարհուում են դէպի Գետաբէդ: Կէս ժամից յետոյ վաղ է վաղ եկան 25 հոգի հայեր և խնդրեցին պաշտպանել իրանց, որովհետեւ Ալալեանկան արդէն պաշարուած է: Հայերին ես թաքցրի նկուղում: Իսկոյն և եթ երեւացին ձիաւորներ, բաղկացած 800 թուրքերից: Ինձ մօտ վաղեցին դուխարօրները, նոյնպէս և խնդրեցին կրակ չը բանալ նրանց դէմ, որովհետեւ հակառակ դէպքում գիւղը քարուքանդ կանեն: Միւսնոյն ժամանակ դուխարօրների տանուտէրը խնդրեց տնից դուրս չը գալ: Մինչ այդ թուրքերը թալանելով երկու խանութ, Օսկպովի և Մնացականովի, կողոպտած ամբողջ ապրանքը դարսեցին նրանց թուրքօնների մէջ ու տարան: Թուրքերը գնալիս նախազգու-

շացրին դուխաբարներին, որ 22-ին նրանք պէտք է աւերեն հայերի խանութները Գետաբէգում: 22-ին ես գնացի Գետաբէգ, որտեղ հայերի բոլոր խանութները փակուած էին, իսկ ժողովուրդը հաւաքուած հայաց կիւղեցու մօտ ուրսաւիով սպասում էր թուրքերի յարձակման, իսկ վերջիններս մեծ խմբերով մօտ 500 հոգի կանգնած էին շուկայում: Երեկոյեան մօտ 51¹/₂-ին ես Միսկինլի համայնքի տանուաէրի հետ միասին դանւում էի հիւրանոցում, այդ միջոցին հրացանի ձայն լսուեց դերեղմանատան կողմից: Իսկ տանուաէրը թւիցս բռնեց և նախազգուշացնելով, որ հայերը կրակում են, տարաւ դէպի հայերի դերեղմանատան կողմը: Հէնց այդ ժամանակ նորից լսուեցին հրացանի ձայներ և մենք թաղնուեցինք առաւի մէջ: Այդ ժամանակ մեզ մօտ վաղեց պրիստաւը և տարաւ ինձ դէպի այն տեղը, որտեղ կատարվում էր սարսափելի հրացանածողութիւն: Պարտք եմ համարում աւելացնելու, որ բոլորովին անկարելի էր որոշել հայկական դերեղմանատանից մեզ վրա կրակողները հայերն էին, թէ դերքերում թաքնուած թուրքերը: Մինչև այդ Ալիեօլը Դօլլիկով և Աստան Աղասիբէգով պահակներն ուղարկեց շուկա իւր գրագրի ընտանիքը բերելու: Պահակները վերադառնալով ընտանիքի հետ յայտնեցին, որ սկսուեց հայերի խանութների թալանը՝ սկսած Ակոբեանից: Սկսած 22-ից մինչև 24-ը տեւեց ջարդ ու թալանը: 24-ին ես Ալիեօլի ու պահակների հետ միասին ճանապարհուեցի դէպի հանքերը դիտամիտը պահպանելու: Պրիստաւ Ալիեօլը նկատելով, որ հայերը Կադախլուից փախչում են դէպի Չարգախլու, թողեց ինձ և, իջնելով ներքև թուրքերի մօտ, վաղեցրեց նրանց դէպի Չարգախլու, հրամայելով նրանց ոչ մի հայի ողջ չը թողնել, հէնց այդ միջոցին ճանապարհին սպանեցին երկու հայերի: Այդ մի և նոյն օրը, 24-ին աւերուեց և հրդեհուեց Կադախլի գիւղը: 24-ին իջնելով Գետաբէգ, ես այնտեղ գտայ իմ թարգման Ասատուրին և Ջինգերի գործակալ Բէրդիեանցին իմ ընակարանում: 25-ին ինձ մօտ եկան 15 հոգի զինուած թուրք և պահանջեցին իրանց յանձնել այն երկու հայերին: Ես աշխատում էի համոզել նրանց, որ նրանք վրացիներ են, բայց նրանք ոյժով գուրտ խլեցին նրանց իմ ձեռքից և նստեցրին միւս գերիներին հետ միասին Ֆուրգօնում, իբրև թէ ուղարկելու բոլորին Չարգախլու: Պրիստաւ Ալիեօլը առաջարկում էր ինձ նոյնպէս նրանց հետ միասին գնալ Չարգախլու, բայց որովհետև ինձ նախազգուշացրել էին, որ ուղում են սպանել ինձ, ուստի հայերին Ֆուրգօնով ճանապարհեցի Չարգախլու ու թ պահակների հսկողութեամբ, բայց հաղիւ Ֆուրգօնները առել էին 200 սաժէն,

երբ զաւարտուին գնացող հայերի վրայ, սպանեցին բոլոր աղամարդկանց և մի կնոջ: Փախչելով աղտառուեցին առաք կին, իմ թարգմանը, Չինդերի գործակալ Բերդիեանցը և մի մանուկ: Քիչ յետոյ ներս խուժեցին ինձ մօտ թուրքերը, դուրս քարշեցին նրանց և տանելով կամուրջի մօտ՝ սպանեցին, նախապէս խլելով այդ երկու հայերից Մառզէրի ու Ամիրդ-Ախաճնի տարճանակները, որոնց ես ուղղում էի իմ այն յայտարարութեանս հետ ներկայացնել, բայց պրիտաւ Ալիեվը այդ տարճանակներէ մէկը ինքը վերցրեց, իսկ միւսը տուեց տանուտէրին ասելով, որ նա նրանց հարկաւոր է: Թուրքերի Գետաբէգից հեռանալուց յետոյ, ես հողին յանձնեցի 18 հայեր և էլի 7 հագի, ընդամենը 25 հոգու: Իսկ իմ ստացած տեղեկութիւններով աներում այրուած են 50 հայեր, կանայք, երեխաներ և աղամարդիկ: Նոյեմբերի 27-ին հայ կանանց անփորձ ուղարկեցի Չարդախլու: Բայց երկու աղջիկներ 23-ից սկսած մինչև օրս էլ գտնուում են պրիտաւ Ալիեվի մօտ և մի քանի կանայք էլ ուղարկուած են Միսկինլի գիւղը, որոնց մինչև այժմս էլ պահում են այնպէ: Միևնոյն ժամանակ պատիւ ունեւ յայանելու Ձերդ Գերագանյութեան, որ ինձ յանձնուած ուշաոտիկ պահակները հաղորդեցին, որ թուրքերը նրանցից խլում են լիամիտշաները, իսկ նրանցից մէկը՝ թուրք Աստանը յայանեց, որ պրիտաւ Ալիեվը ատրճանակը նրա վրայ ուղղեց, հրամայելով իր պահակին խլել նրանից հրացանը այն պատճառով, որ Աստանը չէ միանում յանցաւոր թուրքերին, բայց քիչ ժամանակից յետոյ աւագ պահակ Բիլիկովը յետ առաւ նորից հրացանը և յանձնեց Աստանին: Ըստ որում պատիւ ունեւ յայանելու, որ, ինչպէս ես կատարելապէս համոզուեցի, պրիտաւ Ալիեվը իր պահակներով և Միսկինլիսի հատարակութեան տանուտէր Մահմէդը միասին ամենագործունեայ մասնակցութիւն ունէին այդ բոլոր խայտառակութիւնների մէջ: Մինչև անգամ յիշեալ տանուտէրը համարձակուեց կանդնեցնել ինձ Ալավեանկա գիւղում, երբ իմացաւ, որ ես Գանձակ եմ գալիս, և խնայ ինձնից Բրաունինդ տեսակի ատրճանակը, որ պատկանում է մի յոյնի: Աւելացնում եմ նայնպէս, որ երբ թուրքերը իմացան, որ ես արդէն պրիտաւի պաշտօնավարութիւնս սկսել եմ, ջարդ ու վշտւր արին իմ գրասենեակը և արձակեցին բոլոր կալանաւորուածներին: Երբ այդ մասին ես հաղորդեցի պրիտաւ Ալիեվին՝ վերջինս ծիծաղելով պատասխանեց, որ աւելի լաւ, աշխատանքը քիչ կը լինի և աւելացրեց, որ նա այլ ևս չէ ծառայելու և գնում է իւր գիւղը ապրելու: Բաղաքենք գիւղում հայերի դիակները մինչև այժմ էլ դեռ չեն հա-

ւարձուած: Դեկտեմբերի 7-ին 1905 թիւ: Գանձակ քաղաքում:

Պրիտաւ Գ—մասի Գետարէդ աւանի՝ Շէպիլօ.

(Շարունակելի)

Քաջբերունի.

ԲԱՅ ՆԱՄԱԿ ՔԱՀԱՆԱՆԵՐԻՆ

Իմ երեք տարուայ գործակալութեան միջոցին և մի քանի ուրիշ պատճառներով ես առիթ եմ ունեցել դիտելու, որ գիւղական քահանաները իրենց կատարած օրինակատարութիւններն արձանագրելիս մի քանի բաներում կամաւ թէ՛ ակամայ զանցառու են լինում: Սրանից առաջանում են որոշ անճշտութիւններ, որով՝ նախ խոշոր թիւերի մացութիւնների առիթ են դառնում կոնսիստորիաներում և երկրորդ չափաբերական մատեանները իրենց իսկական նպատակին չեն կարողանում ծառայել:

Նախ արտակալ կոչուող մեծ չափաբերական մատեաններին նշանակութիւնը, որ բաժանուած են բոլոր եկեղեցիներին 1901 թուականին, պարզ չի գրտակցում շատերի կողմից: Այդ մատեանների պաշտօնական նշանակութիւնը շատ քիչ չափով յայտնի է ամենքին, բայց այդ մատեանները պաշտօնականից բացի ունեն էլի մի ուրիշ կարեւոր ստատիստիկական-ժողովրդագրական տեղեկագրական նշանակութիւն: Եթէ այդ մատեանները պահուեն ամենայն ճշտութեամբ, նրանք կը դառնան սահող իրականութեան ճշգրիտ հայելին: Անջնջելի կերպով կը տպաւորուեն նրանց մէջ գիւղական կեանքի եկեղեցու և նրա պաշտօնեաների հետ կապ ունեցող բոլոր երեւոյթները: Ժամանակ կանցնի, գուցէ մեր գիւղերի դառն իրականութիւնը իրենով հետաքրքրողները կունենայ, որոնք իրենց գիտութիւնով կամ կարողութիւնով գիւղերին օգնելու տրամադրութիւնով կը մօտենան նրանց: Ա՛յ, այդ ժամանակ խնամքով և ճշտութեամբ դրուած մեր եկեղեցիներին նախարարակները թանկադին ծառայութիւն կանեն: Այդ մատեաններին նայելով դժուար չի լինի իմանալ երբ, ի՞նչ պատճառներից, այս կամ այն գիւղում ժողովուրդը աճել կամ պակասել է: տարուայ ո՞ր ամիսներում ծնունդը կամ մահը շատ է եղել: տարուայ եղանակները ի՞նչ ազդեցութիւն են ունենում մարդկանց հասակները վրայ և առհասարակ այս կամ այն գիւղի ժողովրդի առողջութիւնը և երկարակեցութիւնը տարիների ընթացքում ի՞նչ տատանումներ է ցոյց տալիս: Եթէ այս տեղեկութիւն-